

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Icones sive imagines virorum literis illustrium

Reusner, Nikolaus

Argentorati, 1587

Conradvs Gesnervs

[urn:nbn:de:bsz:31-271751](#)

CONRADVS GESNERVS PHILOS.
& Medicus.



Plinius alter eram: per me vis iam liquet omnis
Naturæ, ingenij vi superata a mei.

M. D. LXV.

CONRADVS GESNERVS TIGVR,
vrbe Heluetiæ primariâ, natus anno
M. D. XVI.

Post patriæ scholam, Argentinæ primò, dein
Biturigibus Auaricum, & Lutetia Paris.
optimis eruditus disci-
plinis.

Lausannæ post Græcas professus literas
per triennium:
Basileæ demum supremam in Medicinâ
laureolam adeptus:

Tandem constituto Tiguri perpetuo domicilio:
Quâ in vrbe is & medicinam fecit, & Philoso-
phiam publico docuit stipendio,
annis XXIV:

Pietate duce, virtutibus reliquis comitibus,
oninia naturæ arcana perscrutatus:
Dum de aliorum vtilitate promouendâ magis,
quam de propriâ salute tuendâ cogitat:
Editis in omni literarum genere, præsertim
verò Medicinæ & Nat. Philos. lucubra-
tionibus clariss.

Philologus & Polyhistor,
Germania lumen, Heluetiæ decus:
Ecclesiæ, Scholæ, Reipub. bonorum denique
omnium cum incredibili luxu:
Blandiss. eademque atrociss. pestil. absumptus:
Obiit Tiguri, anno M. D. LXV, Aet.
XLIX. XIII. XBR.

IN CONRADVM GESNERVM
Philos. & Medicum.

THEODORI BEZAE.

Te cælo mutante solum, Gesnere, volucres
Quæcunque pennis aëra permeant,
Repleuere modis omnia tristibus:
Migrantem amicum extrema supra sidera
Omnes cum gemitu graui insequitæ.
Te cælo mutante solum, Gesnere, feroceæ
Gemunt in antris bellueæ,
Et stabuli pecudes oblitæ:
Sibilis colubri te feri gemunt lugubribus,
Imisq; quotquot sub cauernis
Occulta terrarum colunt:
Et flaccidum plantæ virentes,
Et pallidum flores nitentes,
Et flaccidum arbores comantes.
Regna te per humida
Et belluosus qua ferit vndique
Reboantia littora pontus,
Planctu sonoro deflet Amphirrite:
Et liquidis sub aquis pisces natantes mutitant.
Natura te omnis denique ut suorū fidum antistitē
Plorat sacrorum, muta
Futura deinceps, ni loquaris mortuus.

Hac inter tibi turbatus, Gesnere, parentat
Beza tuus, vati vates, & amicus amico,
His incompositis innumeris numeris.

IOAN. CRATONIS.

Lux veterum, secliqs sui decus, atque sequentum
Dulcis amor, tristi conditur hoc tumulo.
Pars melior viuet scriptis & mente bonorum
Condita, & in Christi morte recepta sinum.
Viuet & in me ipso, dum vitam morte lucrabor:
Atque ero, quod nequeo corpore, mente Crato:

HENRICI STEPHANI.

Vix quinquagenos implens, Gesnere, Decembres,
Fata impletas vita pr&e;properata tua.
At te posteritas annos impletasse Sibylla
Dicat, tot libros vel neget esse tuos.

ACHILLIS P. GASSERI.

Quos iungebat amor, nunc pestis disgregat atrox:
Tu gaudes cœlo, quando ego versor humo:
Sed tua sic virtus, Gesnere, meretur abunde
Felix ut viuas semper apud superos:
Gasserumqs decet, gratias nunc laudibus ut te
In terris ornet, sit memor inde tui.

Iuppiter indigno dum doctos eximit orbe,
Monstrat se iratum, Barbariemqs, dabit.

THEODORI ZVINGERI.

Plinius hic situs est Germanus: perge Viator:
Gesneri toto nomen in orbe volat.

RVDOLPHI GVALTHERI.

Si doctrina, fides, pietas fera fata morari
Possent, Gesnerus non moriturus erat.

IOANNIS VVOLPHII.

Multa legens, tum multa docens, bene denique scri-
Multis de morbis clara trophe a tuli. (bens,
Nunc vbi confeci cursum, & mea fata peregi:
Maximus his actis accumulatus honos.
At modò defunctus nunc isthac condor in vrna
Corpore, non anima, quae viget atque valet.
Hic mihi per Christum promissa pace quiesco,
Exemptus curis omnigenisque, malis.

CASPARI VVOLPHII.

Ars medica, & lingua, stirpes quod denique, Musa
Sunt passa eclipsin, mors tua causa fuit.
Det Deus ergo alium, lumen qui reddat ipsdem,
Gesnerum, & studijs perga adesse bonis.

IOANNIS FABRICH.

Quid miser in tumulo Gesneri figis ocellos?
Hic iacet, exuias præter & ossa, nihil.
Amplius exili nequijt mens corpore claudit:
Cui nimis angustus maximus orbis erat.
Quicquid enim tellus, quicquid mare gignit et aër,
Ingenio tanti cesserat omne viri.
Vnus erat reliquus, qui iam restabat, Olympus:
Discret in summo nunc vbi cuncta Deo.

S

P. MELISSI.

Gesneri postquam tristes morientia Musæ
Viderunt atrâ lumina nocte tegit.
Pro versu gemitus, lacrimas pro carmine fundunt,
In gemitus carmen, versus it in lacrimas:
Præexitq; nigro Phœbus velamine frontem,
Plus fatum, mœrens, arte valere suâ.
Attamen ut tumulo meriti reddantur honores:
Nec tanti iaceat fama sepulta viri.
Protinus Hesperidum selecta fragrantibus hortis:
Pierides cineri dona suprema ferunt:
Ambrosiam, roremq; maris, nardumq; virentem,
Scilicet & flores b; Hyacinthe tuos:
Spargunt & violas, & purpureos amaranthos:
Inscriptisq; locant marinora casa notis:
Qui iacet hic, qualis quantusq; prioribus annis
Gesnerus fuerit, charta loquetur anus.

FELICIS TRVBII.

Quum nossem terras, nossem genus omne ferarū,
Aethereumq; genus, squamigerumq; genus:
Plantarum seriem quum vellem ponere certam:
Mors operi intentum repperit atra meo.
Et Gesnere tibi, dixit, spectanda supersunt
Nunc tandem rutili sidera celsa poli.
Linque igitur terras, & corpora linque caduca:
Cum Christo in cœlis viuere posse datur.

GEORGII FABRICII.

Inuidia maior Gesnerus morte pereemptus

In patriâ magnâ laude quiescit humo.

Hunc fleuit natura parens: fleuere quot effert

Terra herbas, pisces flumina, silua feras.

Dignus erat meritis, qui tempore viueret omni:

In terris omnes sed rapit aqua dies.

N. REV S NERI.

Siste parum, manesq; iube saluere Viator:

Conditus hic rara vir pietate iacet:

Ingenij magni magnis qui dotibus auctus:

Cultor Apollineæ sedulus artis erat.

Nota viri pietas satis est, testataq; virtus:

Nota domi rerum gloria, nota foris.

Candidus, innocuus, iustus, bonus, integer, aquus,

Et probus, & vero dignus amore fuit:

Calluit herbarum vires, vsique medendi;

Nouit & aetherei sidera clara poli.

Abdit a natura scrutatus iura sagacis:

Praclaros medicas scripsit in arte libros:

Quos nec longa dies, nec senior opprimet etas:

Mors ius in famæ non habet atra decus.

Corpus humo positum requiescit: nomen in orbe,

Spiritus excelsa viuit in arce Deo.

Quisquis es, o requiem cineri, pacemq; precatus,

Incertas lethi disce timere vices.